

RUÁVINJAARGÂ PYECEEVIÄSUŠKOVLÂ

Ruávinjaargâ Pyecceeviäsuškovlâ lii ohtâ Ruávinjaargâ kaavpug ohtâduvâin, mii fáálá vuáđumáttááttâs. Pyecceeviäsumáttááttâsohtâdâh palvâl oles Laapi eennâmkode kuávlun já fáálá máttááttâspalvâlusâid kuohtui pyecceetipšopirrâduvâi kieldáid.

Pyecceeviäsuškoovlâ uáppeeh láá tipšokoskâvuodâst párnáitaavdâi tâi párnái- já nuorâipsykiatria spesiaalsuorgijn. Pyecceeviäsumáttááttâsân puáhtá uásálistiđ meid ávusuuáppen. Uáppen väldim válduprinsiip lii tot, ete uáppee lii spesiaalpyecceetipšo äššigâs, sust lii tuáimee tipšovuvám sehe eromâš torjuu miärdâs.

Pyecceeviäsumáttááttâs luándu spiekâst eres vuáđumáttááttâsâst eromâšávt tast, ete máttááttâs lii meriáigâsâš. Pyecceeviäsumáttááttâs ääigi uáppeeh pish jiejâs päikkiškoovlâ uáppen. Paje kukkodâh suáppoo ain uáppee miel oovtâstpargoost maangâáammátlii viärmáduvvâin, huolâtteijeiguin já uáppee aldaškoovlâin, já tot vuáđđud uáppee tile merikoskâsii árvuštálmân.

Pyecceeviäsumáttááttâs lii uási párnáá já nuorâ olesvajoidittem, mii tahhoo oovtâstpargoost tipšo- já vajoidittempargeiguin sehe huolâtteijeiguin. Máttááttâs uárnejuvvoo njebžillis ornimijguin, iänäáš juávkkuhäämist já ohtâgâslij oppâmuulmij miäldásávt. Uáppee tijmemeeri ohhoost lii uáppee jiejâs aldaškoovlâ máttááttâsvuávm já staatâräji tijmejuáhuasâttâs miäldâsâš.

Ruávinjaargâ Pyecceeviäsuškoovlâst tuárjuh uáppee oppâm, šoddâm já pyereestvaijeem suu jiejâs máhđulâšvuodâi já tiervâsvuodâlij hinái miel. Škoovlâ puoh tooimâst mittomeerrin lii eellim pyecceškoovlâpaje maŋa já sij viggeh adelid uáppei naavcâid, tiäđuid já tááiduid puátteevuodâ várás.

Pyecceeviäsuškoovlâst láá kyehti (2) vyeliškoovlâahasij, já nelji (4) paješkoovlâahasij juávu. Uásádâhmáttááttâs já spesiaalpyecceetipšo ciäلكámuš vuáđuld uárnejuvvoo meid uánihisáigâsâš päikkimáttááttâs. Il tääsi uáppeeh uásálisteh hääarviht máttááttâsân já máttááttâshuolâttâs palvâlussáid. Ihetäásist škoovlâst joteh s. 130 uápped.

Ruávinjaargâ kaavpug fáálá máttááttâsministeriö hahârutâdem vievâst 2.8.2021 räajist konsultistee pyecceeviäsumáttáátteije palvâlusâid Laapi eennâmkode kuávlun. Kulmâ pyecceeviäsumáttááttâs konsultistee máttáátteijee vuájuh iänäáš uáppeid, kiäh iä lah pyecceeviäsumáttááttâsâst, tâi sist ij lah čovgâ tipšo-ohtâvuotâ spesiaalpyecceetiipšon. Konsultistee pargoost tiädutteh muuneeld estee já arâdis tarvanem prinsiipijd. Konsultaatio ulmen lii kepidiđ spesiaalpyecceetipšo- já pyecceeviäsuškoovlâpoojij táárbu, já čyecciđ tienuuvt muuneeld estee toorjâtoomâid uáppee jiejâs aldaškoovlân já vuáđutääsi palvâlussáid.

Kollimtiäđuh

Porokatu 39 A já B, 96400 RUÁVINJARGÂ

Pyecceeviäsuškoovlâ hovdâ Askö Peuraniemi p. 0400- 695 080
Škovlâčällee Sirpa Törmänen p. 050-3620695